

《無量壽經優婆提舍願生偈》 補充講表

◎附表十四：以下糅合《往生論註》

○莊嚴「無諸難」功德成就者，偈言：「永離身心惱，受樂常無間」故。

◆此云何不思議？經言：身為苦器，心為惱端。而彼有身有心，而受樂無間，安可思議！

○莊嚴「大義門」：偈言：「大乘善根界，等無譏嫌名，女人及根缺，二乘種不生」故。

◆此云何不思議？夫諸天共器，飯有隨福之色。足指按地，乃詳金磔之旨。而願往生者，本則三三之品，今無一二之殊，亦如淄澠一味，焉可思議！

△三三之品：即是三輩九品。

△淄澠（音卍 ㄇ一ㄎㄨㄥˋ）：淄水和澠水的並稱。皆在今山東省。相傳二水味各不同，混

合之則難以辨別。比喻性質截然不同的兩種事物。

○莊嚴「一切所求滿足」功德成就者，偈言：「眾生所願樂，一切能滿足」故。

◆此云何不思議？彼國人天，若欲願往他方世界無量佛刹，供養諸佛菩薩，及所須供養之具，無不稱願。又欲捨彼壽命，向餘國生，修短自在，隨願皆得。未階自在之位，而同自在之用，焉可思議！

○云何觀佛莊嚴功德成就？觀佛莊嚴功德成就者，有八種相，應知。

※《佛說觀無量壽佛經》云：「佛告阿難及韋提希：【見此事已，次當想佛。所以者何？諸

佛如來，是法界身，入一切眾生心想中。是故汝等心想佛時，是心即是三十二相，八十隨形好。是心作佛，是心是佛。諸佛正徧知海，從心想生。是故應當一心繫念，諦觀彼佛多陀阿伽度、阿羅訶、三藐三佛陀。】」

○何者莊嚴「心業」功德成就？偈言：「同地水火風，虛空無分別」故。

◆問曰：心是覺知相。云何可得同地水火風，無分別耶？

答曰：心雖知相，入實相，則無知也。譬如蛇性雖曲，入竹筒則直。」

○何者莊嚴不虛作住持：「觀佛本願力，遇無空過者，能令速滿足，功德大寶海」故。

◆不虛作住持功德成就者，蓋是阿彌陀如來本願力也。今當略示虛作之相，不能住持。

用顯彼不虛作住持之義。人有輟（久又乙^{四聲}，止也）餐養士，或釁（音信，過失、罪過

也。）起舟中。積金盈庫，而不免餓死。如斯之事，觸目皆是。得非作得，在非守

在，皆由虛妄業作，不能住持也。所言不虛作住持者，依法藏菩薩四十八願，今日

阿彌陀如來自在神力。願以成力，力以就願；願不徒然，力不虛設。力願相符，畢竟

不差，故曰成就。

●與淨心菩薩，與上地諸菩薩，畢竟同得寂滅平等故。

◆寂滅平等者，即此法身菩薩所證寂滅平等之法也。以得此寂滅平等法故，名為平等法

身。以平等法身菩薩所得，故名為寂滅平等法也。此菩薩得報生三昧，以三昧神力能

一處、一念、一時遍十方世界，種種供養一切諸佛，及諸佛大會眾海。能於無量世界

無佛法僧處，種種示現，種種教化，度脫一切眾生常作佛事。初無往來想，供養想，度脫想。是故此身，名為平等法身，此法名為寂滅平等法也。

○略說八句，示現如來自利利他功德莊嚴次第成就，應知。

◆此云何次第？前十七句，是莊嚴國土功德成就。既知國土相，應知國土之主，是故次觀佛莊嚴功德。彼佛若為莊嚴，於何處坐。是故先觀座。既知座已，宜知座主，是故次觀佛莊嚴身業。既知身業，應知有何聲名，是故次觀佛莊嚴口業。既知名聞，宜知得名所以，是故次觀莊嚴心業。既知三業具足，應為人天大師，堪受化者是誰，是故次觀大眾功德。既知大眾有無量功德，宜知上首者誰，是故次觀上首。上首是佛，既知上首，恐同長幼，是故次觀主。既知是主，主有何增上，是故次觀莊嚴不虛作住持。八句次第成已。

○「安樂國清淨，常轉無垢輪，化佛菩薩日，如須彌住持」故。開諸眾生淤泥華故。

◆八地已上菩薩，常在三昧。以三昧力，身不動本處，而能遍至十方，供養諸佛，教化眾生。無垢輪者，佛地功德也。佛地功德，無習氣煩惱垢。佛為諸菩薩，常轉此法輪。諸大菩薩亦能以此法輪，開導一切，無暫時休息，故言常轉。法身如日，而應化身光，遍諸世界也。言日未足以明不動，復言如須彌住持也。淤泥華者，經言：【高原陸地，不生蓮華。卑濕淤泥，乃生蓮華】。此喻凡夫在煩惱泥中，為菩薩開導，能生佛正覺華。諒夫！紹隆三寶，常使不絕。

○偈言：「無垢莊嚴光，一念及一時，普照諸佛會，利益諸群生」故。

◆上言不動而至，容或至有前後。是故復言一念一時無前後也。

○偈言：「雨天樂華衣，妙香等供養，讚諸佛功德，無有分別心」故。

◆無餘者，明遍至一切世界，一切諸佛大會，無有一世界一佛會，不至也。肇公言：【法身無像，而殊形並應。至韻無言，而玄籍彌布。冥權無謀，而動與事會】。蓋斯意也。